

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-169/14
Vareš, 23.06. 2014. godine

Z A P I S N I K
s 19. sjednice Općinskog vijeća Vareš,
održane 29.05. 2014. godine

Predsjedavajući OV Zdravko Marošević pozvao je gosp. Osmana Ibrišimović da pristupi davanju Svečane izjave, kao vijećnik OV Vareš.

Nakon davanja Svečane izjave, Osman Ibrišimović je potpisao Izjavu.

Za riječ se javila predsjednica Kluba SBB Safeta Muftić i obavijestila Vijeće i javnost da će od danas Klub vijećnika SBB u Općinskom vijeću Vareš, djelovati sa dvije vijećnice, o čemu je dala i pojašnjenje.

Zdravko Marošević – predsjedavajući Općinskog vijeća Vareš, otvorio je 19. sjednicu s početkom u 16,10 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Zdravko Barkić, Mahira Brkić, Asmir Čizmo, Zdenko Franjić, Osman Ibrišimović, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

Odsutni: Tajiba Brkić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika, zamjenica općinskog pravobranilaštva – gosp. Elma Brčić-Rožajac, ispred Službe za privredu i finansije – gosp. Senad Mahmutović, ispred Službe za civilnu zaštitu – gosp. Kenan Ahmedović, predsjednici političkih stranaka, poslanici u Skupštini ZDK – gosp. Rahić Dijana i gosp. Fahrudin Brkić, ispred JKP d.o.o. Vareš – direktor gosp. Zafer Kamenjaš i predsjednica Nadzornog odbora JP gosp. Edina Hafizović, ispred JU Veterinarska stanica d.o.o. Vareš – direktor gosp. Suljo Abadžija i predsjednica Skupštine JP gosp. Jadranka Radoš, ispred JP Vareš-stan d.o.o. Vareš - gosp. Azemina Skenderović i predsjednica Nadzornog odbora gosp. Ružica Adanalić, ispred JU Dom zdravlja Vareš - direktor gosp. Anto Jelić i predsjednik Upravnog odbora – Edhem Aščerija.

Sekretar OV Leon Pavlović izvijestio je Vijeće o realizaciji Zaključaka sa 18. sjednice OV održane 29.04.2014. godine. Na 18. sjednici OV donesena su četiri (4) Zaključka, tri (3) Zaključka su u toku realizacije dok je jedan (1) Zaključak prolongiran (odnosi se na dogovor

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



Klubova u vezi vijećničkih naknada). Postavljena su tri (3) vijećnička pitanja na koja su nadležni dostavili odgovore podnosiocima vijećničkih pitanja.

Općinski načelnik Kovačević Avdija u okviru aktualne problematike na području općine Vareš izvijestio je Vijeće da je, na poziv gradonačelnika grada Dubrovnika, delegacija Jedinstvenog općinskog organa i Općinskog vijeća bila u radnoj posjeti gradu Dubrovniku. U posjeti su izdefinisani svi detalji oko buduće poslovno-tehničke, kulturne i svake druge saradnje koja bi trebala da obilježi naredni period saradnje između grada Dubrovnika i Vareša.

U svom obraćanju dao je kratak osvrt na nedavna dešavanja u vezi elementarne nepogode koja je zadesila našu zemlju i općinu Vareš. Podsjetio je, da je Vijeću za današnju sjednicu dostavljena Informacija o aktivnostima u toku prirodne nesreće broj: 02-545/14 od 29.05.2014. godine, koja je informativnog karaktera s ciljem da svaki vijećnik dobije kvalitetno objašnjenje i bude kvalitetno informisan o tome šta je u periodu od 15. maja pa do 29.05. 2014. godine urađeno po ovom pitanju. Komisija za procjenu šteta, koja je formirana od strane Općinskog načelnika, ima zadatak da u roku od 21 dan, izradi Sanacioni program šteta nastalih kao posljedica elementarne nepogode. U skladu sa Zakonom i Statutom Općine Vareš, Vijeću će na jednoj od narednih sjednica (vanredna sjednica) biti ponuđen na razmatranje i usvajanje Izvještaj sa prijedlogom mjera čiji će sastavni dio biti i Sanacioni program.

Zamolio je, da prilikom davanja informacija o bilo kakvim štetama u Varešu i projektima i programima koji će ići u pravcu sanacije tih nastalih šteta, Vijeće ima jedinstven stav.

(Vijećnička pitanja)

Elvir Rožajac

1. U ime građana MZ Ravne, traži da nadležni koji su zaduženi za procjenu štete nastalu usljed nedavnih vremenskih neprilika, izađu na teren i procjene štetu nastalu na ambulanti (krov-plafon) u MZ Ravne, te da se ista sanira kako bi se mogao nastaviti rad u istoj? O postavljenom pitanju dao je objašnjenje.
2. U ime nekoliko građana, traži da se izvrše radovi natkrivanja autobuskog stajališta kod MUP-a?

Safeta Muftić

3. U ime građana postavila je pitanje u vezi parkirališta u Korovinjićima - Postoji li ikakva mogućnost da se na parkiralištu uspostavi rasvjeta? O postavljenom pitanju dala je i objašnjenje.

Emir Islamović

4. Ispred mještana MZ Budoželje, traži da Općina preko svojih organa apelira na JU Dom zdravlja Vareš, da bar dva puta mjesečno upućuje terenskog doktora u MZ Budoželje?

Mario Mirčić

5. Ispred građana naselja Zukići postavio je pitanja – Ako do danas nisu došli geolozi, kad se očekuje njihov dolazak?

6. Čiji je rezervoar i vodovodna mreža koja prolazi kroz klizište u naselju Zukići, je li to uzrok klizišta i što se namjerava poduzeti sa istim? O postavljenim pitanjima dao je i objašnjenje i zatražio ako može odmah da se odgovori.

Demo Kevrić

Nije zadovoljan sa odgovorom sa prošle sjednice koje se odnosi na odvoz smeća.

7. Kada će se nastaviti sa rekonstrukcijom niskonaponske mreže u MZ Striježevo (uputiti dopis za završetak radova)? O postavljenom pitanju dao je pojašnjenje. Pitanje upućeno Elektrodistribuciji Vareš.
8. Kako se može zaustaviti odvoženje trupaca sa prikolicama sa područja mjesnih zajednica, tj da se pretovar vrši na regionalnom putu? O postavljenom pitanju dao je pojašnjenje. Pitanje upućeno Šumarstvu.

Mahira Brkić

9. Za period od 01.01.-31.03.2014. godine, isplaćeno je 2.200 KM iz općinskog budžeta, a na ime pomoći pojedincima iz materijalno-socijalne sigurnosti nezaposlenih lica. Traži od nadležne Službe da dostavi spisak lica kojima je izvršena isplata sa navedenim iznosima za svakog korisnika pojedinačno?
10. Traži od nadležne Službe da dostavi spisak stipendista kojima su isplaćena sredstva iz općinskog budžeta u periodu 01.01.-31.03.2014. godine, u ukupnom iznosu od 1.650 KM, uz ime navesti i pojedinačni iznos?

Predsjedavajući OV stavio je na raspravu Zapisnik sa 18. sjednice OV.

Za riječ se javio vijećnik Demo Kevrić koji je izjavio da Klub vijećnika BPS traži da se Klubu BPS dostavi stenogram sa 18. sjednice OV održane 29.04.2014. godine, koji se odnosi na tačku 10. „Mjere racionalizacije troškova Jedinog općinskog organa uprave Općine Vareš, te da stenogram bude sastavni dio Zapisnika sa 18. sjednice.

Predsjedavajući OV je konstatovao da je prijedlog Kluba vijećnika BPS prihvaćen.

Nije više bilo primjedbi i predsjedavajući OV stavio je na izjašnjavanje Zapisnik sa 18. sjednice OV, te nakon izjašnjavanja vijećnika konstatuje da je **Zapisnik sa 18. sjednice OV jednoglasno usvojen.**

Predsjedavajući OV podsjetio je Vijeće da je Kolegij Općinskog vijeća, utvrdio dnevni red za 19. sjednicu, osim za tačku 1. „Nacrt-Prijedlog Odluke o utvrđivanju cijena komunalnih usluga i visine naknade za priključno mjesto“. U vezi s tim, Kolegij OV je zaključio da se Vijeće izjasni da li će se navedena Odluka razmatrati u formi Nacrta ili Prijedloga. Podsjetio je Vijeće na član 127. Poslovnika o radu OV i pozvao Općinskog načelnika da obrazloži svoj stav da se zbog hitnosti, Odluka razmatra u formi Prijedloga.

Za riječ se javio Općinski načelnik Kovačević Avdija koji je kao ovlaštenu predlagач predložio Vijeću da se izjasni, da tačka 1. dnevnog reda „Odluka o utvrđivanju cijena komunalnih usluga i visine naknade za priključno mjesto“, razmatra se u formi Prijedloga s obzirom na hitnost postupka iz razloga što se o ovoj problematici više od godinu dana, informativno kroz zvanične i nezvanične rasprave, zna šta je u pitanju i da treba kad-tad doći na dnevni red ova problematika. Imajući u vidu da je Vijeće na 18. sjednici također imalo

raspravu o radu Komisije koja je svojim potpisima potvrdila da je metodološka osnova, koja je korištena kao podloga za izradu ove materije, u potpunosti kompatibilna sa Zakonom, Općinski načelnik smatra i očekuje da Vijeće uvaži njegov stav kao predstavnika Jedinственог Općinskog organa i da se tačka 1. predloženog dnevnog reda razmatra u formi Prijedloga.

Predsjedavajući OV stavio je na raspravu izneseni prijedlog Općinskog načelnika da Vijeće tačku 1. Odluka o utvrđivanju cijena komunalnih usluga i visine naknade za priključno mjesto, razmatra u formi Prijedloga.

U raspravi su učestvovali:

Vijećnik Ismet Abdulahović koji je izjavio da se ne slaže sa datim obrazloženjem Općinskog načelnika i da ostaje i dalje pri svom stavu da se Odluka razmatra u formi Nacrta i da se u skladu sa Statutom općine Vareš, o istoj sprovede javna rasprava, o čemu je dao i pojašnjenje.

Predsjedavajući OV u svom obraćanju izjavio je da mu je dužnost kao predsjedavajućem OV da podsjeti Vijeće da je vijećnik Ismet Abdulahović, u svom izlaganju pozvao se na odredbe koje su navedene u Statutu Općine Vareš i Poslovniku o radu OV, ali da po Statutu, predlagač ne krši odredbe i da ima mogućnost, zbog hitnosti postupka, predložiti Vijeću da se Odluka razmatra u formi prijedloga uz dato obrazloženje, o čemu se izjašnjava Općinsko vijeće.

Vijećnik Elvir Rožajac izjavio je da se slaže sa stavom vijećnika Ismeta Abdulahović, da Vijeće Odluku razmatra u formi Nacrta o kojoj je potrebno sprovedi i javnu raspravu.

Zamjenica predsjedavajućeg OV Mahira Brkić ispred Kluba vijećnika SBB, izjavila je da je Klub SBB stava da se Odluka razmatra u formi Nacrta i insistira da se o istoj sprovede javna rasprava.

Vijećnik Đemo Kevrić predsjednik Kluba vijećnika BPS izjavio je da Klub BPS ostaje pri stavu da se Odluka razmatra u formi Nacrta i o istoj sprovede javna rasprava, jer smatra da se ovako važne odluke ne mogu donositi po hitnom postupku.

Vijećnik Mario Mirčić iznio je stav Hrvatske koalicije HDZ-HSS-NHI, da prihvata prijedlog da se Odluka razmatra u formi Prijedloga.

Vijećnik Zdravko Barkić iznio je stav Kluba vijećnika SDP, da prihvata prijedlog da se Odluka razmatra u formi Prijedloga. Ispred Kluba predložio je da Vijeće tačku 8. „Informacija o izvršenju općinskog budžeta/proračuna za period I-III 2014. godine“, razmatra u formi Izvještaja u skladu sa članom 92. Zakona o budžetima FBiH.

Zatvorena je rasprava i predsjedavajući OV stavio je na izjašnjavaње prijedlog Općinskog načelnika u skladu sa članom 127. Poslovnika o radu OV, da Vijeće tačku 1. „Odluka o utvrđivanju cijena komunalnih usluga i visine naknade za priključno mjesto“, razmatra u formi Prijedloga.

Vijećnik Ismet Abdulahović insistirao je da se Vijeće prethodno izjasni o opravdanosti donošenja odluke po hitnom postupku, shodno članu 127. tačka 3. Poslovnika o radu OV.

Predsjedavajući OV stavio je isto na izjašnjavaње.

Nakon izjašnjavaња vijećnika, predsjedavajući OV konstatuje da je sa **13 glasova „ZA“ i 5 glasova „PROTIV“ prihvaćena opravdanost hitnosti i usvojen prijedlog da tačku 1. dnevnog reda 18. sjednice OV, „Odluka o utvrđivanju cijena komunalnih usluga i visine naknade za priključno mjesto“, Vijeće razmatra u formi Prijedloga.**

Općinski načelnik Kovačević Avdija javio se za riječ i predložio izmjenu i dopunu dnevnog reda za tačkom 11. „ Prijedlog Zaključka o neprihvatanju ponude Branka Jovanović iz Bijeljine o preuzimanju gradskog građevinskog zemljišta u Varešu“. Dosadašnja tačka 11. postala bi tačka 12.

Predsjedavajući OV stavio je na raspravu prijedlog dnevnog reda za 19. sjednicu sa predloženom dopunom.

Vijećnik Zdravko Barkić predložio je da se tačka 8. Informacija o izvršenju općinskog budžeta/proračuna za period I-III 2014. godine“ razmatra u formi Izvještaja. O predloženom dao je pojašnjenje.

Vijećnik Đemo Kevrić podržao je prijedlog vijećnika Zdravka Barkića i predložio isto, o čemu je dao pojašnjenje.

Općinski načelnik Kovačević Avdija izjavio je da prihvata predloženi prijedlog.

Predsjedavajući OV je konstatovao da je ovlaštenu predlagač prihvatio prijedlog i da će Vijeće tačku 8. razmatrati u formi Izvještaja.

Nije više bilo prijedloga i predsjedavajući OV stavio je na izjašnjavanje prijedlog dnevnog reda za 19. sjednicu OV sa predloženom izmjenom i dopunom, te nakon izjašnjavanja vijećnika konstatuje da je sa **13 glasova „ZA“ i 5 glasova „PROTIV“ usvojen s l i j e d e ć i**

D n e v n i r e d

- 1. Prijedlog Odluke o utvrđivanju cijena komunalnih usluga i visine naknade za priključno mjesto.**
- 2. Izvještaj o radu Zajedničkog Općinskog pravobranilaštva općina Vareš i Olovo, Općina Vareš za 2013. godinu.**
- 3. Izvještaj o radu i poslovanju JKP d.o.o. Vareš za 2013. godinu.**
- 4. Izvještaj o radu i poslovanju JP „Vareš-stan“ d.o.o. Vareš za 2013. godinu.**
- 5. Izvještaj o radu i poslovanju JP „Veterinarska stanica“d.o.o. Vareš za 2013. godinu.**
- 6. Izvještaj o zdravstvenom stanju stanovništva i organizaciji zdravstva na području općine Vareš u 2013. godini.**
- 7. Izvještaj o stanju svih spomen obilježja na području općine Vareš.**
- 8. Izvještaj o izvršenju općinskog budžeta /proračuna za period I-III 2014. godine.**
- 9. Prijedlog Rješenja o stavljanju van snage Rješenja o razrješenju i imenovanju člana i predsjednika Općinske izborne komisije Vareš.**
- 10. Izbori i imenovanja:**

a) **Prijedlog Rješenja o izboru i imenovanju predsjednika i članova Skupštine JKP d.o.o. Vareš.**

b) **Prijedlog Rješenja o izboru i imenovanju predsjednika i članova Skupštine JP „Vareš-stan“ d.o.o. Vareš.**

c) **Prijedlog Rješenja o izboru i imenovanju predsjednika i članova Skupštine JP „Veterinarska stanica“ d.o.o. Vareš.**

11. Prijedlog Zaključka o neprihvatanju ponude Branka Jovanović iz Bijeljine o preuzimanju gradskog građevinskog zemljišta u Varešu.

12. Tekuća pitanja.

Ad. 1.

(Prijedlog Odluke o utvrđivanju cijena komunalnih usluga i visine naknade za priključno mjesto.)

Otvorena je rasprava u kojoj su svoje prijedloge, primjedbe, stavove i mišljenja iznijeli vijećnici: Elvir Rožajac, Zdravko Barkić koji je predložio da prije svake rasprave podnosioci, odnosno predlagači odluka, daju Vijeću dodatno pojašnjenje o istoj, te zamolio da direktor JKP d.o.o. da dodatno pojašnjenje za ovu tačku dnevnog reda.

Za riječ se javio direktor JKP d.o.o. Vareš gosp. Zafer Kamenjaš koji je u svom obraćanju dao dodatno pojašnjenje za ovu tačku dnevnog reda.

U daljnjoj raspravi su učestvovali vijećnici: Safeta Muftić, Demo Kevrić koji je predložio da se izjašnjavanje po ovoj tački dnevnog reda sprovede u skladu sa članom 84. Poslovnika o radu OV, Mario Mirčić, Boško Andrić koji je predložio da se u članu 1. u tabeli, brišu navedene godine 2016. i 2017. , Zdravko Barkić, Elvir Rožajac, Mato Pavić, Ismet Abdulahović koji je skrenuo pažnju na član 84. Statuta Općine Vareš i zatražio od predsjedavajućeg OV, da nakon diskusije odobri pauzu od 10 minuta u vezi očitovanja zamjenice pravobranilaštva i sekretara OV o navedenoj odredbi.

Za riječ se javio sekretar OV Leon Pavlović koji je dao pojašnjenje na traženje vijećnika Ismeta Abdulahović.

Zamjenica pravobranilaštva Elma Brčić-Rožajac u svom obraćanju, dala je odgovor na postavljena pitanja vijećnika Maria Mirčić i Ismeta Abdulahović.

U daljnjoj raspravi učestvovali su vijećnici: Mahira Brkić, Zdravko Barkić, Mato Pavić, Demo Kevrić, sekretar OV koji je citirao odredbe člana 84. Poslovnika o radu OV i Kenan Kamenjaš.

Zatvorena je rasprava i predsjedavajući OV stavio je na izjašnjavanje Prijedlog Odluke o utvrđivanju cijena komunalnih usluga i visine naknade za priključno mjesto, uz napomenu da Klubovi poslije izjašnjavanja imaju mogućnost tražiti da se po ovoj tački Vijeće izjasni pojedinačno.

Nakon izjašnjavanja vijećnika predsjedavajući OV konstatuje da je sa **13 glasova „ZA“ i 5 glasova „PROTIV“ usvojena**

Odluka o utvrđivanju cijena komunalnih usluga i visine naknade za priključno mjesto.

Na traženje Kluba vijećnika BPS, predsjedavajući OV stavio je na pojedinačno izjašnjavanje Prijedlog Odluke o utvrđivanju cijena komunalnih usluga i visine naknade za priključno mjesto. Sekretar OV izvršio je pojedinačnu prozivku.

Rezultati glasanja:

- | | |
|--------------------------------|-----------------------------|
| 1. Ismet Abdulahović – protiv, | 10. Demo Kevrić – protiv, |
| 2. Boško Andrić – za, | 11. Zdravko Marošević – za, |
| 3. Zdravko Barkić – za, | 12. Mario Mirčić – za, |
| 4. Mahira Brkić – protiv, | 13. Safeta Muftić, protiv, |
| 5. Asmir Čizmo – za, | 14. Mato Pavić – za, |
| 6. Zdenko Franjić – za, | 15. Elvir Rožajac, protiv, |
| 7. Osman Ibrišimović – za, | 16. Jasmin Salketić – za, |
| 8. Emir Islamović – za, | 17. Goran Selak – za i |
| 9. Kenan Kamenjaš – za, | 18. Nikola Šimić – za. |

Nakon pojedinačnog izjašnjavanja vijećnika u skladu sa članom 84. Poslovnika o radu OV, predsjedavajući OV izvijestio je Vijeće o rezultatima pojedinačnog glasanja: **(13 glasova „ZA“ i 5 glasova „PROTIV“)**.

Predsjedavajući OV dao je pauzu u trajanju od 10 minuta, na traženje Općinskog načelnika.

Nastavljeno je sa radom sjednice.

Ad.2.

(Izveštaj o radu Zajedničkog Općinskog pravobranilaštva općina Olovo i Vareš, Općina Vareš za 2013. godinu.)

Otvorena je rasprava u kojoj su učestvovali vijećnici: Safeta Muftić, Ismet Abdulahović i zamjenica pravobranilaštva Elma Brčić-Rožajac koja je odgovorila na postavljena pitanja vijećnika u raspravi koja se odnose na plaće i naknade općinskog pravobranioca, stečajne postupke, postupak privatizacije i prodaji putničkog vozila Općine Vareš. Izjavila je da upućenu sugestiju vijećnika Ismeta Abdulahovića, koja se odnosi na podatke o finansijskim efektima, prihvata i ako vijećnik ostaje pri tome, može za narednu sjednicu dopuniti Izveštaj sa istim.

Zaključena je rasprava i predsjedavajući OV stavio je na izjašnjavanje Izveštaj o radu Zajedničkog Općinskog pravobranilaštva općina Vareš i Olovo, Općina Vareš za 2013. godinu.

Nakon izjašnjavanja vijećnika predsjedavajući OV konstatuje da **je sa 16 glasova „ZA“ i 2 „SUZDRŽANA“ glasa usvojen**

Izveštaj o radu Zajedničkog Općinskog pravobranilaštva općina Olovo i Vareš, Općina Vareš za 2013. godinu

Ad. 3.

(Izvještaj o radu i poslovanju JKP d.o.o. Vareš za 2013. godinu.)

Otvorena je rasprava u kojoj su svoje prijedloge, sugestije i mišljenja iznijeli vijećnici: Safeta Muftić, Elvir Rožajac, Kenan Kamenjaš, Zdravko Barkić, Mahira Brkić, Đemo Kevrić koji je tražio da Vijeće zauzme stav na jedinstvenoj metodologiji izrade izvještaja koje razmatra Vijeće.

Predsjedavajući OV na osnovu prijedloga vijećnika Đeme Kevrić upoznao je prisutne da je na 12. sjednici OV održanoj 15.02.2006. godine, Vijeće donijelo Odluku o utvrđivanju metodologije za izradu Izvještaja o radu javnih preduzeća i javnih ustanova, sa kojom su upoznata JP i JU.

U daljnjoj raspravi su učestvovali vijećnik Mario Mirčić, općinski načelnik Kovačević Avdija koji je u svom obraćanju dao pojašnjenja za zakonsku obavezu izrade izvještaja i mišljenje o sugestiji vijećnice Mahire Brkić koja se odnosi na dostavu informacije o obavezama potraživanja i dugovanja JP.

Za riječ se javio vijećnik Đemo Kevrić koji je ponovo zatražio od predlagača obrazloženje za navedenu dobit u iznosu od 1.402 KM i obrazloženje stavke gdje su navedeni doprinosi.

Vijećnik Zdravko Barkić podržao je sugestiju vijećnice Mahire Brkić da kod izrade izvještaja JP treba da se prikažu sve obaveze i potraživanja.

Zatvorena je rasprava i predsjedavajući OV stavio je na izjašnjavanje Izvještaj o radu i poslovanju JKP d.o.o. Vareš za 2013. godinu.

Nakon izjašnjavanja vijećnika predsjedavajući OV je konstatovao **da je jednoglasno usvojen**

Izvještaj o radu i poslovanju JKP d.o.o. Vareš za 2013. godinu.

Ad. 4.

(Izvještaj o radu i poslovanju JP Vareš-stan d.o.o. Vareš za 2013. godinu.)

Otvorena je rasprava u kojoj su svoje sugestije, pitanja i mišljenja iznijeli vijećnici: Safeta Muftić, Elvir Rožajac, Zdravko Barkić, Ismet Abdulahović i Mario Mirčić.

Ispred JP Vareš-stan d.o.o. Vareš gosp. Azemina Skenderović u svom obraćanju dala je dodatna pojašnjenja i odgovorila na pitanja vijećnika postavljena u raspravi.

Za riječ se javio Općinski načelnik koji je uputio javno pitanje i zatražio odgovor od predstavnika Javnog preduzeća, da li je u preduzeću uposlen radnik koji je 1947. godište i koji je već ispunio uslove za penzionisanje. Ako je ta informacija tačna, traži da Vijeće, poslije izjašnjavanja o Izvještaju, donese zaključak po kome se nalaže Upravi JP Vareš-stan d.o.o. Vareš da se po sili zakona ta osoba penzioniše.

Predsjedavajući OV izjavio je da Vijeće nema nadležnost da donese takav zaključak ali može uputiti preporuku Upravi preduzeća, odnosno da se Javno preduzeće mora pridržavati zakonskih obaveza koja regulišu tu materiju.

Za riječ se javio vijećnik Zdravko Barkić koji je podsjetio na diskusiju u raspravi koja se odnosi na zakonsku mogućnost spajanja JP Vareš-stan d.o.o. Vareš sa JKP d.o.o. Vareš i izradu socijalne karte na nivou općine.

Zatvorena je rasprava i predsjedavajući OV stavio je na izjašnjavanje Izvještaj o radu i poslovanju JP Vareš-stan d.o.o. Vareš za 2013. godinu.

Nakon izjašnjavanja vijećnika predsjedavajući OV konstatuje da je sa **18 glasova „ZA“ usvojen**

Izvještaj o radu i poslovanju JP Vareš-stan d.o.o. Vareš za 2013. godinu.

Predsjedavajući OV je konstatovao da Općinski načelnik nije dobio traženi odgovor, jer je predstavnik JP Vareš-stan d.o.o. izjavio da nema ovlaštenja da se očituje po tom pitanju.

Ad. 5.

(Izvještaj o radu i poslovanju JP Veterinarska stanica d.o.o. Vareš za 2013. godinu.

Predsjedavajući OV dao je pozitivan komentar na rad djelatnika ovog Javnog preduzeća.

Nije bilo više učesnika u raspravi i predsjedavajući OV stavio je na izjašnjavanje Izvještaj o radu i poslovanju JP Veterinarska stanica d.o.o. Vareš za 2013. godinu.

Nakon izjašnjavanja vijećnika predsjedavajući OV konstatuje da je sa **18 glasova „ZA“ usvojen**

Izvještaj o radu i poslovanju JP Veterinarska stanica d.o.o. Vareš za 2013. godinu.

Ad.6.

(Izvještaj o zdravstvenom stanju stanovništva i organizaciji zdravstva na području općine Vareš u 2013. godini.)

Otvorena je rasprava u kojoj su svoja mišljenja i stavove iznijeli vijećnici: Elvir Rožajac, Safeta Muftić, Ismet Abdulahović, Zdravko Barkić, Mario Mirčić i Kenan Kamenjaš.

Zatvorena je rasprava i predsjedavajući OV stavio je na izjašnjavanje Izvještaj o zdravstvenom stanju stanovništva i organizaciji zdravstva na području općine Vareš u 2013. godini.

Nakon izjašnjavanja vijećnika predsjedavajući OV konstatuje da je **jednoglasno usvojen**

Izvještaj o zdravstvenom stanju stanovništva i organizaciji zdravstva na području općine Vareš u 2013. godini.

Ad. 7.

(Izveštaj o stanju svih spomen obilježja na području općine Vareš.)

Otvorena je rasprava u kojoj je učestvovao vijećnik Asmir Čizmo koji je predložio da se u narednom periodu ide u iznalaženje sredstava za obnovu postojećih i izgradnju spomen obilježja tamo gdje ih nema.

Predsjedavajući OV Zdravko Marošević skrenuo je pažnju da je potrebno detaljnije da se utvrdi stanje svih spomen obilježja.

Zatvorena je rasprava i predsjedavajući OV stavio je na izjašnjavanje Izveštaj o stanju svih spomen obilježja na području općine Vareš.

Nakon izjašnjavanja vijećnika predsjedavajući OV konstatuje da je **jednoglasno usvojen**

Izveštaj o stanju svih spomen obilježja na području općine Vareš.

Predsjedavajući OV dao je pauzu u trajanju od 30 minuta.

Nastavljeno je sa radom sjednice.

Ad.8.

(Izveštaj o izvršenju općinskog budžeta/proračuna za period I-III 2014. godine.)

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici i postavili pitanja:

Mahira Brkić koja je u svom obraćanju izjavila da Klub vijećnika SBB insistira, a OV- u inicira dosljednu primjenu svih mjera štednje iz Programa mjera štednje Vlade ZDK i da Klub SBB neće podržati Izveštaj.

Zdravko Barkić je u svom obraćanju predložio da se ubuduće uvede praksa, da kod podnošenja ovakvih izvještaja Vijeću, predlagač ili podnosilac izvještaja, obrazloži razloge probijanja određenih pozicija. Izjavio je da neće podržati Izveštaj i da će tražiti pojedinačno izjašnjavanje za ovu tačku dnevnog reda, te da se to evidentira zapisnički.

Elvir Rožajac u svom obraćanju izjavio je da neće podržati Izveštaj

Demo Kevrić u svom obraćanju izjavio je da Klub BPS neće podržati Izveštaj o čemu je dao pojašnjenje.

Za riječ se javio Općinski načelnik Kovačević Avdija koji je izjavio da je Izveštaj rezultat onoga što je u navedenom periodu urađeno, te da će na kraju godine, obračun se završiti sa pozitivnim finansijskim rezultatom.

Predsjedavajući OV dao je pauzu u trajanju od 5 minuta pauze, na traženje Hrvatske koalicije.

Nastavljeno je sa radom sjednice.

U daljnjoj raspravi su učestvovali vijećnik Mario Mirčić koji je ispred Hrvatske koalicije izjavio da Klub prihvata Izveštaj.

Vijećnica Mahira Brkić ispred Kluba SBB je izjavila da Klub neće prihvatiti Izveštaj, te insistira da se Općinsko Vijeće izjasni o prijedlogu Zaključka - *da se provodi Program mjera štednje u onakvom obliku u kakvom ga je donijela Vlada ZDK.*

Zaključena je rasprava i predsjedavajući OV stavio je na izjašnjavanje Izvještaj o izvršenju općinskog budžeta/proračuna za period I-III 2014. godine.

Nakon izjašnjavanja vijećnika predsjedavajući OV konstatuje da je sa **10 glasova „ZA“ i 8 glasova „PROTIV“ usvojen**

***Izvještaj o izvršenju općinskog
budžeta/proračuna za period I-III 2014. godine.***

Za riječ se javio Općinski načelnik u vezi predloženog zaključka od strane Kluba SBB izjavio da su u Programu mjera koje je usvojilo Vijeće na 18. sjednici, akceptirane i inkorporirane preporuke iz Programa mjera štednje Vlade ZDK koje su bile moguće. O istom je dao dodatno pojašnjenje.

Za riječ se javila vijećnica Mahira Brkić koja je u svom obraćanju dala osvrt na mjere štednje koje su usvojene na 18. sjednici OV, te izjavila da ostaje kod svog prijedloga zaključka.

Predsjedavajući OV stavio je na izjašnjavanje slijedeći

Zaključak:

- **Insistira se na pridržavanju uputa mjera štednje koje je donijela Vlada ZDK na 156. sjednici.**

Nakon izjašnjavanja vijećnika predsjedavajući OV konstatuje da sa **8 glasova „ZA, 5 glasova „PROTIV“ i 4 „SUZDRŽANA“ glasa predloženi Zaključak nije usvojen.**

Ad. 9.

*(Prijedlog Rješenja o stavljanju van snage
Rješenja o razrješenju i imenovanju člana
i predsjednika Općinske izborne komisije Vareš.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o stavljanju van snage Rješenja o razrješenju i imenovanju člana i predsjednika Općinske izborne komisije Vareš.

Nakon izjašnjavanja vijećnika predsjedavajući OV konstatuje da je **jednoglasno usvojeno**

***Rješenje o stavljanju van snage Rješenja
o razrješenju i imenovanju člana
i predsjednika Općinske izborne komisije Vareš.***

Ad. 10.

(Izbori i imenovanja:

- a) *Prijedlog Rješenja o izboru i imenovanju predsjednika i članova Skupštine JKP d.o.o. Vareš.*
- b) *Prijedlog Rješenja o izboru i imenovanju predsjednika i članova Skupštine JP „Vareš-stan“ d.o.o. Vareš.*
- c) *Prijedlog Rješenja o izboru i imenovanju predsjednika i članova Skupštine JP „Veterinarska stanica“ d.o.o. Vareš.)*

Otvorena je rasprava u kojoj su učestvovali vijećnici:

Ismet Abdulahović ispred Kluba vijećnika BPS izjavio je da Klub neće učestvovati u diskusiji i izjašnjavanju po ovoj tački dnevnog reda, jer Klub nije učestvovao ni u predlaganju kandidata.

Elvir Rožajac izjavio je neće podržati rješenja.

Mahira Brkić skrenula je pažnju na zaključak i sprovedenu proceduru u vezi izbora i imenovanja predsjednika i članova Skupština, te izjavila da Klub SBB neće podržati rješenja u obliku koji je za današnju sjednicu dostavljen Vijeću, jer Klub smatra da nisu donesena u skladu sa Zakonom.

Za riječ se javio sekretar OV Leon Pavlović koji je dao dodatno pojašnjenje za ovu tačku dnevnog reda i sprovedenu proceduru u vezi izbora i imenovanja predsjednika i članova Skupština javnih preduzeća, te podsjetio Vijeće da su javni pozivi dva puta objavljivani, ali da nije bilo dovoljno prijava na iste.

Vijećnica Mahira Brkić iznijela je svoje mišljenje da je potrebno ponovo da se objavi Javni poziv u skladu sa Zakonom, o čemu je dala pojašnjenje.

Zaključena je rasprava i predsjedavajući OV stavio je na izjašnjavanje Prijedlog Rješenja o izboru i imenovanju predsjednika i članova Skupštine JKP d.o.o. Vareš.

Nakon izjašnjavanja vijećnika predsjedavajući OV konstatuje da je sa **12 glasova „ZA“ i 3 glasa „PROTIV“** (Klub vijećnika BPS nije učestvovao u izjašnjavanju) **usvojeno**

***a) Rješenje o izboru i imenovanju predsjednika
i članova Skupštine JKP d.o.o. Vareš.***

Predsjedavajući OV stavio je na izjašnjavanje Prijedlog Rješenja o izboru i imenovanju predsjednika i članova Skupštine JP „Vareš-stan“ d.o.o. Vareš.

Nakon izjašnjavanja vijećnika predsjedavajući OV konstatuje da je sa **12 glasova „ZA“ i 3 glasa „PROTIV“** (Klub vijećnika BPS nije učestvovao u izjašnjavanju) **usvojeno**

***b) Rješenje o izboru i imenovanju predsjednika
i članova Skupštine JP „Vareš-stan“ d.o.o. Vareš.***

Predsjedavajući OV stavio je na izjašnjavanje Prijedlog Rješenja o izboru i imenovanju predsjednika i članova Skupštine JP „Veterinarska stanica“ d.o.o. Vareš.

Nakon izjašnjavanja vijećnika predsjedavajući OV konstatuje da je sa **12 glasova „ZA“ i 3 glasa „PROTIV“** (Klub vijećnika BPS nije učestvovao u izjašnjavanju) **usvojeno**

***c) Rješenje o izboru i imenovanju predsjednika
i članova Skupštine JP „Veterinarska stanica“ d.o.o. Vareš.***

Ad. 11.

(Prijedlog Zaključka o neprihvatanju ponude Branka Jovanović iz Bijeljine o preuzimanju gradskog građevinskog zemljišta u Varešu.)

Otvorena je rasprava u kojoj su učestvovali vijećnik Zdravko Barkić i Ermin Musa pomoćnik načelnika koji je dao dodatno pojašnjenje za ovu tačku dnevnog reda na traženje vijećnika Zdravka Barkića.

Zaključena je rasprava i predsjedavajući OV stavio je na izjašnjavanje Prijedlog Zaključka o neprihvatanju ponude Branka Jovanović iz Bijeljine o preuzimanju gradskog građevinskog zemljišta u Varešu.

Nakon izjašnjavanja vijećnika predsjedavajući OV konstatuje da je sa **14 glasova „ZA“ i 3 „SUZDRŽANA“ glasa usvojen**

***Zaključak o neprihvatanju ponude Branka Jovanović iz Bijeljine
o preuzimanju gradskog građevinskog zemljišta u Varešu.***

Ad. 12.

(Tekuća pitanja.)

1. Predsjedavajući OV upoznao je Vijeće sa Zahtjevom stanara stambenog objekta P+4 ulica Put mira Vareš, u kome traže trajno rješenje i izmještanje Bukovog potoka.

Predsjedavajući OV je konstatovao da je sa problemom navedenim u Zahtjevu upoznat Općinski načelnik i nadležna Služba uprave.

Za riječ se javio Ermin Musa pomoćnik načelnika koji je izjavio da je planirano da se održi sastanak sa Općinskim načelnikom, predstavnicima stanara i JKP d.o.o. Vareš, u vezi dogovora oko daljnjih aktivnosti. Također je izvijestio prisutne i javnost da je stručna ekipa iz Sarajeva bila u obilasku tog terena.

2. Vijećnik Mario Mirčić predložio je vijećničku inicijativu koja se saniranje i dovođenje u prohodno stanje put Daštansko –Suhodol. O predloženom dao je pojašnjenje.
3. Predsjedavajući OV Zdravko Marošević ispred MZ Vijaka zamolio je Općinskog načelnika da u skladu sa svojim zakonskim mogućnostima pokuša preko PJ Stupčaniaca Olovo i ŠPD, iznaći mogućnost da saniraju nastale štete na području mjesne zajednice, koje su nastale 90% krivicom JP ŠPD. O iznesenom dao je pojašnjenje.

Vijećnik Boško Andrić učestvovao je u raspravi i iznio svoje mišljenje u vezi navedenog problema.

4. Vijećnik Jasmin Salketić ispred građana MZ Dabravine zahvalio se svima koji su pomogli mjesnoj zajednici prilikom nedavne elementarne nepogode.

Sastavni dio ovog Zapisnika je audio zapis sjednice.

Sjednica je završena u 21,30 sati.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALAČI

Zdravko Marošević